

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO – SANSKI KANTON**  
**GRAD BIHAĆ**  
**GRADONAČELNIK**  
**Služba za opću upravu i društvene djelatnosti**  
Broj: 07/2-04-1812  
Bihać, 21.04.2022.

Na osnovu člana 3. Odluke o kriterijima, postupku odabira i načinu dodjele sredstava Budžeta Grada Bihaća za su/financiranje projekata organizacija civilnog društva (OCD), (Službeni glasnik Općine Bihać broj 1/13), Gradonačelnik Grada Bihaća, raspisuje

**J A V N I P O Z I V**  
**za predlaganje projekata organizacija civilnog društva (OCD) za su/financiranje**  
**sredstvima Budžeta Grada Bihaća za 2022. godinu**

**I**

Raspisuje se javni poziv za predlaganje projekata organizacija civilnog društva (u daljem tekstu: OCD) za su/finansiranje sredstvima Budžeta Grada Bihaća za 2022. godinu.

**II**

Pravo predlaganja projekata po javnom pozivu imaju OCD registrovane u BiH, čiji će se projekti realizirati u tekućoj budžetskoj godini, na području Grada Bihaća, a odnose se na prioritetne oblasti:

1. Ljudska prava, prava djeteta i prava manjinskih grupa,
2. Jačanje demokracije, a naročito većeg učešća žena i mladih u društvenom životu,
3. Zapošljavanje, a naročito rješavanje problema nezaposlenosti mladih,

4. Socijalna uključenost, socijalna sigurnost i zdravstvena zaštita, a naročito: pomoć žrtvama rata, raseljenim licima-povratnicima, pomoć starim, bolesnim i hendikepiranim osobama, djeci s različitim vidovima ometenosti u razvoju, djeci bez roditeljskog staranja, djeci i mladima asocijalnog ponašanja, žrtvama nasilja u porodici, disfunkcionalnim porodicama i porodicama u stanju izražene socijalne potrebe,
5. Obrazovanje, a naročito opismenjavanje, prekvalifikacija, dokvalifikacija, profesionalna orijentacija mladih, edukativni i drugi programi za borbu protiv aktuelnih poroka u društvu (alkoholizam, nikotinizam, droga, prosjačenje, prostitucija i drugi oblici društveno neprihvatljivog ponašanja),
6. Kultura, a naročito afirmacija mladih stvaralaca, te očuvanje tradicije, kulturne baštine naroda BiH i nacionalnih manjina,
7. Sport, a naročito razvoj amaterskog sporta, sportske aktivnosti za djecu i omladinu, sportsko-rekreativni sadržaji za građane uključujući i invalidne osobe, pomoć talentiranim sportistima, te razvoj i unapređenje sportske infrastrukture,
8. Ekologija, a naročito promocija zaštite i unapređenja životne sredine i zdravog življenja.

### **III**

Sredstva planirana za podršku projektima organizacija civilnog društva obezbijeđena su u Budžetu Grada Bihaća za 2022. godinu u iznosu od 100.000,00 KM, na stavci „Tekući grant za organizacije civilnog društva“.

Grad Bihać zadržava pravo da ne dodijeli sva dostupna finansijska sredstva.

### **IV**

Po javnom pozivu za predlaganje projekata mogu se prijaviti najviše dva (2) projekta čiji budžet iznosi minimalno 3.000 KM, a maksimalno 15.000 KM po predloženom projektu.

Predlagač projekta može potraživati ukupan iznos sredstava za realizaciju projekta ili dio nedostajućih sredstava, što je dužan posebno naznačiti u prijavnim obrascu i projektu kojeg predlaže.

### **V**

Trajanje projekta ne može biti kraće od tri mjeseca niti duže od šest mjeseci.

## VI

Dokumenti za podnošenje prijedloga projekta su:

1. Smjernice za podnosiocce prijedloga projekta i kriteriji za odabir
2. Projektni prijedlog
3. Pregled budžeta i plan potrošnje
4. Logički okvir rada
5. Plan aktivnosti i promocije
6. Administrativni podaci o podnosiocu prijedloga
7. Finansijski identifikacioni formular
8. Izjava o podobnosti
9. Lista za provjeru.

Set dokumenata za podnošenje prijedloga projekta Grad Bihać osigurava svim zainteresiranim OCD, koje žele aplicirati na javni poziv.

Dokumentacija za prijavu na javni poziv može se preuzeti lično u Centru za pružanje usluga građanima (šalter sala) Grada Bihaća, radnim danom u vremenu od 09.00 do 12.00 sati i na web stranici Grada Bihaća [www.bihac.org](http://www.bihac.org) . Pitanja u vezi s javnim pozivom, mogu se postaviti putem e-mail adrese [iva.pjatnicki@bihac.org](mailto:iva.pjatnicki@bihac.org) s naznakom: „Za javni poziv za organizacije civilnog društva“ . Odgovori na upite, bit će dostavljeni u pisanoj formi u roku od tri dana putem gore navedene e-mail adrese.

## VII

Osim dokumenata iz tačke IV ovog javnog poziva uz prijedlog projekta obavezno se prilaže:

1. Statut OCD-a
2. Rješenje o upisu u registar udruženja kod nadležnog ministarstva (ovjerena kopija)
3. Identifikacijski broj iz registra poslovnih subjekata
4. Završni račun za prethodnu poslovnu godinu (bilans stanja i bilans uspjeha za prethodnu godinu)
5. Dokaz da su obezbijeđena vlastita sredstva ili sredstva od drugog donatora za dio projekta koji se predlaže za sufinansiranje sredstvima iz budžeta Grada Bihaća

6. Izjava ovlaštenog predlagača projekta da nije dobio sredstva od drugog donatora za dio projekta koji se predlaže za sufinansiranje sredstvima budžeta Grada Bihaća
7. Detaljan narativni i finansijski izvještaj s dokazima o namjenskom utrošku sredstava ako su predlagaču projekta dodijeljena budžetska sredstva iz prethodne godine za realizaciju projekta.

## **VIII**

### **Osnovni kriteriji za vrednovanje i odabir projekata su:**

1. Područje na kojem se projekat realizira
2. Procenat stanovništva ili određenih kategorija, koje će osjetiti efekte projekta
3. Korist zajednice od realizacije projekta
4. Realizacijom projekta osigurava se zapošljavanje
5. Projekat je od posebnog značaja za mlade
6. Projekat je od uticaja na realizaciju drugih projekata u gradu
7. Učešće predlagača projekta vlastitim ili donatorskim sredstvima
8. Održivost projekta.

### **Dodatni kriteriji za vrednovanje i odabir projekata su:**

1. Inovativni aspekt projekta
2. Posjedovanje ljudskih resursa za realizaciju projekta (lista osoblja)
3. Uključenost volontera, a naročito mladih u realizaciji projekta
4. Uspješnost u realizaciji ranijih projekata
5. Iz projekta je vidljiv definisan i jasan način praćenja evaluacije projekta.

### **Eliminatorni kriteriji, koji diskvalificiraju predloženi projekat su:**

1. Projekat nije vezan za prioritetne oblasti određene u Javnom pozivu
2. Tema projekta nije podudarna s ciljevima i zadacima, odnosno registriranom djelatnošću predlagača projekta
3. Projekat ima odgovarajuću formu, ali nedostaju ključne informacije u prijavnom obrascu za predlaganje projekta
4. Administrativni troškovi prelaze 20% budžeta projekta,
5. Za realizaciju projekta obezbijedena su sredstva u punom iznosu od drugog donatora,

6. Uz prijavni obrazac i projekat nije priložen narativni i finansijski izvještaj o realizaciji projekta i namjenskom utrošku sredstava s odgovarajućom dokumentacijom po ranijem javnom pozivu za predlaganje projekata.

## IX

Prijava, odnosno predlaganje projekata po javnom pozivu, podnosi se putem pošte u zatvorenoj koverti na adresu: **Grad Bihać, ulica Bosanska 4, s naznakom: Komisija za odabir projekata i dodjelu sredstava „Prijava projekta OCD“**, a može se podnijeti i neposrednom predajom ovlaštenom službeniku za prijem podnesaka u Centru za pružanje usluga građanima (šalter sala) Grad Bihać.

O primljenim prijavama vodi se evidencija i izdaje potvrda o prijemu.

## X

Rok za prijavu projekta po javnom pozivu je 28 dana od dana objave u sedmičnom listu Unsko-Sanske novine „Krajina“ i na web stranici Grada Bihaća ([www.bihac.org](http://www.bihac.org)).

Blagovremeni i potpuni prijedlozi projekata vrednuju se sistemom bodovanja po utvrđenim kriterijima. Utvrđena rang lista za sufinansiranje projekata OCD u budžetskoj godini na koju se javni poziv odnosi, objavljuje se na web stranici i oglasnoj tabli Grada Bihaća.

Nepotpune i neblagovremene prijave ne uzimaju se u razmatranje.

Predlagačima neblagovremenih, nepotpunih, diskvalificiranih projekata, te projekata koji su uvršteni na rang listu, ali za njihovo sufinansiranje nedostaju raspoloživa sredstva, dostavlja se pisana obavijest s obrazloženjem.

Međusobna prava i obaveze između Grada Bihaća i OCD kojima budu dodijeljena sredstva za sufinansiranje projekata uredit će se ugovorom.

**GRADONAČELNIK**

**Šuhret Fazlić**